

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono.

QUESTIO MEDICA

Cardinalitiis disputationibus manè discutienda in Scholis Medicorum, die Jovis vigesimâ Octobris.

M. CLAUDIO BERGER, Doctore Medico, Decano, Præside.

An arthritidi obnoxiiς γαρλακτοποσία?

QUAMVIS cœlestis materiæ constitutio, & animatæ molis dispositio una eademque passim appareat, vernaculi tamen morbi in certis terrarum plagis, & animalium partibus, cum quâdam sexûs, ætatis necnon conditionis prælectione, grassantur: & sporadicorum non pauci, dum in mares, fortè meliùs habitos, involant, fœminis & mancipiis parcent; modò illæ, nec mensibus defraudatæ, nec virili licentiâ effrenæ vivunt. Sic Alpinis bronchocele, strumæ Hispanis admodum sunt familiæres. Sic in Italia quondam mentagram sensere primates, plebe intactâ. Istiusmodi sanè indolis est articularis affectus, *μυορριζις* & *μυοθλας*, ut creberrimum virorum *εμψιφρμας*, martyrium audiatur; qui licet de quovis articularum dolore dicatur, verius ab illâ specie, quam ab humore quasi guttatim cadente, guttam vulgus appellat, nuncupatur. Hæc universalis, particularis, diversâ, prout hanc vel illam partem indifferenter invadit; fixa vel vaga, constans vel fugax; & pro vario causarum antecedentium genere, nunc quas adoritur partes lentè rodit, nunc intensè cruciat; interdum, ab avo, hæreditaria; interdum ex moribus acquisita; nonnunquam nodis & tophis stipata graditur, nonnunquam apertè furit, gravissimis symptomatis atrox; & longioribus, brevioribusve intervallis recurrens, rarissimè perseverat. Aliàs ab occultis principiis, statimque periodicis; aliàs ab evidenti causâ & subito reviviscit. Demùm ab incerto vivendi ritu frequens arthritidis occasio est. Hinc ad ejus prophylaxin medico non satis sit, si subductâ humorum colluvie, nutricem mali velut in cunis suffocaverit; nisi eò quoque cibò reficiat patientem, qui & ferocientes humores compefcatur, & languenti ventriculo negotium non facessat.

ARTHRITIDIS auctor est serum, salino recremento coinquinatum. Hoc, cum in partes irrumpit, functiones ut plurimum interpellat. Enim vero est ubi acrimoniâ ferox exteriores aggreditur, cum in sanguine, fervidiore videlicet, ebulliens in halitûs elevatur: hinc in cutim suppositasve membranas instar foris effusum, rheumatismum, seu mavis universalem phlogosin, citra tumorem, & cum dolore lancinantem, accendit. Est ubi in juncturas excurrens eas altè fodiat, vicinaque periosia spiculis suis larè pungit. Effusus ille humor quas adigit partes rarò extumescit, mole sepe exiguum, sed maliciâ potens. Concipit vires ab aère, cum hic, aut madore lento emollit articulos, aut acuto frigore frangit: nec minùs à pravis frugibus & uberiori victu fovetur. Porro si ad isthæc ventriculi dispositio singularis, ex adulteratâ fermenti crassi accedat; tunc largior crapula, & indigesta succorum colluvies, sanguinem assiduâ labe respergunt. Is variè & multipliciter alteratur, quatenus multiplex & varium est vitium cœctionis. Omnis tamen actio, quâ malè afficitur, salinis particulis tota debetur. Ventriculus non uno, five proprium illud sit, five partium incumbendum, calore conficit cibos; huic, à saliva continuò deglutitâ, & ventriculi fermento, vis solvendi inest; quæ si benè morata, bellè & citissimè concoquit, quæ solida, liquida, cruda vel cocta quotidie ingeruntur. At si quando arthritide subinde recidivâ abunditur; tunc fluctuant alimenta, quæ mox, non convenienter attrita, in crudum & impurum liquamen secedunt. Ægrè itaque podagricum resituas, nisi hisce refoveas maceratum, quæ nullâ ferè tùm spirituum, cùm liquoris solventis, facultate egent, ut detrimenta resarciant.

ALIMENTUM assiduè superingestum, longam in fervente & fermentato ventriculo moram trahit. Inde resolutus languet fermentativus latex, quoties in illum derivant cœnz pretiosæ & sumptuosæ, aut alteriusfamis irritamenta. Nimirum quod elaborator cibus est, eò error paratur. Malè curioso palato quæris lenocinia, quibus perdurat efuries exuberante satietate. Hæc ab helluonum ingluvie tam molestè ascendunt, quam jucundè descenderant, & ea sunt quæ magis arthritidem irritant: quæ idcirco non torquent infantes, quod sobriè nutriantur. Frustra somitem illius aliunde repereres. Hinc subitè cruciatis, cum *crudum pavorem* indomitæque opsonia in aqualicula portas. Hinc digestionum anomaliz, cum imparia, imparibus commissa, tumultum movent. Sic augetur minera aliunde repetens. Hinc subitè cruciatis, cum gravatur. Quàm longè salubrius pascitur qui obnoxius arthritidi, à liberiùs vivendi proclivitate dum subimit temperat, ea in nutrimentum assumit, quæ vel ad chyli naturam attingunt proximè, vel in illius substantiam facillimè convertuntur, qualia sunt quæ simplicia, tenuia & flexilis contexturæ, solventi sine negotio cedunt. Hæc acres humores deliniunt, massæ lenitate conciliant, massæ lenitate conciliant, salina deturbant. An ab animalium carnibus ventriculo, discedunt non sociata, vel seditionem promovent, vel in articulis imbecillos concitant fluxionem. An non prudentius sapiis, qui lacte simplici, crudo & sine condimento, contentus viveris; istud sapore & consistentiâ æmulum chyli est, levi fervore digeritur, facillè permeat, & in visceribus quibuscunque mutationes legitimas subit.

LAC hominum, quadrupedum & cetaceorum alimentam primum, liquor est subdulcis, in qualitatibus temperatus, ab aliorum communione segregatus in mammis, fermentò peculiari, & mollioribus glandulis. Utrum à chylò aut sanguine immediatè mutato sit, parùm refert. Non in quovis sexu, non in diverso tùm vitæ, cùm fortis statu, ex quo reperitur. Ad monstrum accedat si lac in fœminâ virgine reperitur: Coarctat, ex substantiâ triplici, levi operâ alterandâ, quoties à congenitis recedit dissociata. Harum alia sulphurea est, pinguis & inflammanda; alia *salso-nitrosa*, macra, & aciditatis volatilis particeps; alia denique sicca, & tenue, genuino & albicante colore splendet, odore suave & blandum, sed nobilissimum est, si recenter multum, pleno ab ubere, saporis sit perdulcis & saccharati. Hinc procul salledinis, acridinis, viroris, amaritudinis, insipiditatis suspiciones. Lactis omne pretium ab aspectu loci, ab ubertate soli, à delectu pastus & à temporum ratione. Eius quinque præcipuæ species ad hominum usus designantur; humanum nutriturum, palmam alii bubulum subripit, si cum legicimis dotibus, statis diebus horis, ventre ab hesternis repurgato, per se solum, vel cum pane saltem optimæ notæ, oggeratur. Hoc pingue consistens plurimum nutrit, quia maximè butyrosom, & hæc parte sui inviscat aculeos acerrimi feri, pungentes retundit; ferosâ marcescentes & resicatos articulos lenit, quos caseosâ firmat. Num igitur lac sic comparatum stomachò quantumvis fracto, vim infert? quin potius mollioris hujus alimenti pars humoribus advenit, quæ sodalium diffusâ sedet, & labores, si quos artus habeant, unâ egregiè demulceat.

HOC ex fundamento, cum plurima eveniant homini, quæ ars periculosius curat, quàm missa facit; eò quod tam medicantium operam, quàm medicaminum vires ludant: quisquis ad arthritidem, dùm viget adhuc, illa tamen cum delectu præscribit, qui uti articularum, ita & humorum peccantium mores novit. Fermentati acquirunt credendum reliquæ crassamenti, quâ suo tempore, nocent; cum, recurrente catharro, acerbis cuditur juncturarum tortor. At dum ad arthritidem præcavendam accingitur; ratione & experientiâ edoctus, sicut ad venæ sectionem celer, sic ad serosam biliosamve illuviem quovis modo deturbandam lentus festinet. Sua sint *Κεχρονησ* empiricis, & quibus *αεγ* *Βαναν*, inexplabilis cupiditas adest. Hujus affectus eradicationem spondeat, cui facillè & proutum est idiotarum animos inescare; insomnis, si velit, ad fornaces pallear, omne artis præsidium in operosis ponit. Tutissimâ sunt in arthritide, quæ nutriendo medentur; hæc velut nativam temperiem visceribus reddunt, sic vitiatam sanguinis crasin emendant, atque currentis, ad ægras lentes ac languidos artus, sensum & sine sensu, pristinæ firmitati resituant.

Εργο, arthritidi obnoxiiς γαρλακτοποσία.



Proponebat Parisiis PETRUS JACQUEMIER, à sancto Felice Diocesis Tolosanæ, Baccalaureus Medicus. A. R. S. H. 1695.